

LE
PRESOIR
DES ESPONCES
DV ROY.

OV,

EPISTRE LIMINAIRE DE L'HISTOIRE
de la Chambre de Justice, establie en l'an 1607. Pour la
Recherche des Abus, Malversations & Peculats
commis es Finances de sa Maesté.

Par I. BOVRGOIN.



M D C XXIV.

THE NEWBERRY
LIBRARY

CASE

F

39

.326


1624 bou

Q V A T R A I N

S V R LA FIGVRE

de la precedente page.

CES voleurs icy Pressoirez
Sont les Pirates de la France,
Qui regorgent les flots dorez
De nos Tresors en abondance.



AVROY.



SIRE,

Voicy la premiere des deux Histoires que i'auois promises à vostre Maiesté par l'Auant-coureur d'icelles publiées il y cinq ans. Ce n'est point la description des hauts exploits du Roy Henry le Grand contre les aduersaires estrangers, mais la desduction de sa bonne conduite contre les ennemis domestiques. Ce n'est point le crayon de son inuincible courage contre les troubleurs de l'Estat, mais le recit

de ses peines à veiller les voleurs
 qui voilent leurs forfaits du nom
 d'Officiers. Contre ceux-là il cou-
 roit à la charge le Coutelas en
 main; contre ceux-cy il alloit à la
 Chasse avec l'Espee de Iustice.
 Chasse où il apportoit la mesme
 ardeur que s'il eust esté en vne ar-
 mee, tant la crainte de ce genre
 d'ennemis le faisoit tenir sur ses
 gardes; & veillès où il auoit le
 mesme mouuement de l'esprit
 que quand il estoit au fort d'un
 faict d'armes, tant la haine qu'il
 leur portoit estoit profondemēt
 empreinte en luy.

Sain de Vostre Maieité donc verra
Henry le cōme ce redouté Roy, qui auoit
Grand à cō- la parfaite science de bien regner
seruer ses fi- a tousiours guerroyé, tousiours
nances par harcelé ceux qui reçoient, qui
le chastimēt manient & qui distribuent ses
des Pécūla-
riés.

des *Esponges du Roy.* 5

Finances, soit pour chastier les larcins & monopoles qu'ils sçauoit bien qu'ils y commettoient, ou soit pour les tenir de cour & esclairer de près, d'autant que ceste espee d'hommes espie perpetuellement les moyens d'espuiser la bourse Royale, & cherche sans cesse les inuentions de piller le peuple.

Neantmoins, quoy qu'il leur ait presque tousiours tenu le baston sur le dos, si n'a-il sceu tant faire (inueterez qu'ils font en leur meschante vie) qu'ils ne luy aye soustrait des sommes innombrables, & rauy à ses subiets des biens incomprehensibles. Qu'eussent-ils fait s'il leur eust lasché la bride & osté le Caueson? Car il semble que ces gens ne soyent au monde que pour

*Description
de l'indis-
position na-
turelle des
Financiers.*

estre Larrons, les vns naissent de peres qui sont Larrons, les autres sont nourris parmy des Larrons, les autres estudient pour estre Larrons, & sortent de leur Ecole si grands Larrons qu'ils ne fôr point de conscience d'en prendre iusques sur l'Autel, l'enuie de desrober, & les larcins estans en eux accidens inseparables.

Et c'est, SIRE, ce qui fait iuger combien ils ont fourragé depuis vostre aduenement à la Couronne, & quel rauages ils ont perpetrez (iusques à maintenant qu'ils ont tousiours eue le vent en poupe, la saison à souhait, les Astres propices, & l'eau trouble pour pescher.

Douze ans sont & plus, que vostre Maiesté est montée au Throsne Royal; durant lesques

*Immensité
des leues
ordinaires
& extra-*

il a esté leué Deux cēs vingt cinq ^{ordinaires} millions de liures du principal ^{faites de-}
de la Taille & créuës y ioinctes. ^{puis la} Royauté du
Vingt millions de liures du Tail- ^{Roy.}
lon. Deux cens douze millions de
liures des Aydes, Gabelles, & au-
tres Fermes & Partys. Et neuf
vingts quatorze millions de li-
ures des ventes & reuentes du
Domaine, engagement des Ay-
des, Creations d'Offices, Impo-
sitions nouuelles, & autres leuees
extraordinaires: Tout cela mon-
tant à la somme de SIX CENS
CINQVANTE VN MI-
LION DE LIVRES. De
laquelle desduit Deux cens mi-
lions pour les charges ordinaires
de la Couronne, reste QVATRE
CENS CINQVANTE
VN MILION DE LIVRES.
Qu'elles armées se pouuoient

souldoyer ? Quelles conquestes se pouuoient faire ? Quelles liberalitez exercer ? Et quel bon se deuoit espargner d'une si merueilleuse somme ?

*Les Tresors
& reuenus
du Roy dis-
sipés en des-
pensés arts
scieilles.*

Or non seulement cela, voire mesmes ce que ce sage Roy auoit si soigneusement amassé & recueilly avec tant d'industrie a esté miserablement dissipé, & quant il y en auroit eü cent fois autant, ces bons compteurs en auroient aussi tost fait voir la fin.

*Financiers
enclins &
portex au
mal.*

Certainement il a tousiours esté recogneu que tant s'en faut que les Financiers, ny les Officiers des Finances, appliquent leur dexterité à mesnager sincerement les finances au profit du Roy, tant s'en faut qu'ils s'adonnent à les administrer fidelement au secours de l'Estat, & à les bien diriger.

diriger au ſoulagement du peuple, qu'au contraire, pour pincer couuertement ils fomentent ce qui donne lieu à la profuſion; & pour jouer leur jeu accortemēt, ils reduiſēt le maniemēt des Fināces en art ſi obſcur, que peu de gēs y peuuent entendre ſ'ils ne ſont nourris en leur Cabale, ils ſe moquent de ceux qui ne ſçauent pas la fineſſe qui y eſt, & diſent qu'ils ne ſont pas bons Financiers.

Ainſi, le Roy eſtant par leurs
tours & deſtours tombé à cha-
que bout de champ en vne indi-
gence indigne de ſa grandeur, &
eux reueſtus de ſes deſpoüilles, il
eſt contraint les requerir de luy
preſter ſon propre bien; ce qu'il
ne peut obtenir encor qu'à gros
interelts, & à la charge de ſe rem-
bourſer eux-meſmes ſur les pre-

*Le Prince
qui emprun-
te de ſes Of-
ficiers, de-
nigre ſon
authorité,
& viole
ſon inde-
pendance.*

miers deniers courans de leurs charges. Desorte que lors que sa Majesté pense au commencement d'une année s'aider de ce qui prouient de ses Receptes générales, & se servir du reuenu de ses Fermes & Partys, ils retiennent tout par leurs mains, & disent que c'est pour le payement & remplacement des aduances qu'eux & leurs associez ont faictes, & pour les profits d'icelles qu'ils ont stipulez.

*Désolations
procedan-
tes des lar-
cins des Fi-
nanciers.*

Par telles voyes, le Roy est sé-
vré de ce qu'il attendoit, & dont
il auoit fait estat: luy derechef
contraint de courir à eux par
emprunts, ou recourir à leurs ini-
ques inuentions, sçauoir est, ac-
cabler le peuple par creations
d'Offices, augmentations d'Im-
posts, rehaussement de Daces,

creuës de Tailles, &c. Et pendant ce, ces faiſeurs de Preſts, ces preneurs de Partys, ces adiudicataires de Fermes, ces Inuenteurs d'Aduis, leurs membres, leurs branches & malle-branches, qui n'agueres eſtoient tous petits Compagnons, s'enrichiſſent ſi deſmeſurément dans ce Cahos, & s'augmentēt tant parmy ceſte confuſion; (car ceſte race eſt à la Frâce ce que la Ratte eſt au corps, laquelle ne s'accroïſt qu'au dommage des autres parties,) qu'ils ſemblent eſtre des Seigneurs deſcendus des plus illuſtres maiſons.

Et voila cōme au lieu des Threſoriers des fināces du Roy ſōt au-
iourd'huy ſubrogez les Finances
des Treſoriers du Roy. Voila cō-
me l'on deuient de ſeruiteur Maiſtre, de diſpenſateur, Diſſipateur.

Voila comme par vn gentil creuset l'on trāsmuë le depost en propriété. Et voila ceux en qui l'on void accompli l'ancien Adage, *Hier Bouuier, huy Cheualier*: ô quel changement! ô quels Alchymistes! A vous point veu de telles transformations és Poètes? A vous point leu de telles Metamorphoses entre celles d'Ouide?

La corruption de l'Espagne du Prince est la generation de ceux qui en ont le maniement.

Las! comment ne diminueroient les finances Royales coulees par tant d'Alambics? Comment ne feroient pris les deniers publics passez par tant de gluantes mains? Ce sont, ce sont ces Fourmis, des Troglodites grandes comme des Loups, gardiennes des minieres qui ne se nourrissent que d'or, vrais Midas, ils ne veulent toucher autre chose; c'est leur element, c'est leur aliment.

Comme sang-suës & ventoufes
ils attirent infatiablement à eux
iusques au creuer le sang & l'ame
du public qui est l'argent : Com-
me Bohemiens ambidextres ils
prennent à toutes mains, & du
Prince & du peuple. Et comme
le vaisseau desfoncé des Danaï-
des, leur auide cupidité ne se peut
remplir.

Vn nommé Lycinius, Com-
mis & preposé par Auguste sur
les Finances des Gaules, ayant le-
ué grande quantité d'or & d'ar-
gent, outre ce qu'il auoit fait te-
nir à l'Empereur, se sentant des-
couuert, & que l'Empereur ve-
noit en personne (voyez comme
jadis le premier Monarque du
môdea esté aspre à courir sus luy
mesme aux coupables de Pec-
lat) aduoüa ce dont il estoit ac-

*Ingenieux
subterfuge
d'un Pec-
lataire Ro-
main.*

cusé, & trouua moyen de faire voir son butin à l'Empereur; disant qu'il l'auoit amassé & serré, non pour soy, ains pour l'Empereur; que l'Empereur prist d'oc le tout comme sien. Ce qu'il fit, & par ceste ruse ledit Lycinius eschappa.

*Horrible
meschance-
té des Pe-
culataires
François.*

Mais aujourd'hui que le mesme pays en toutes ses parties groüille de Lycinius que l'on voit, que l'on sçait, que l'on crie, & que l'on iustifie auoir horriblement desrobé, volé, corrompu & falsifié: Où est le Lycinius qui reconnoisse ses fautes? où est le Lycinius qui auouë auoir faict vn fonds pour le Roy? où est le Lycinius qui rende à Cesar ce qu'il luy a pris? où est le Lycinius qui se corrige de ses corruptelles? Ains il n'y a celuy qui par despit ne se des-

borde à faire pis. Il n'y a celuy qui par brauade ne defrobe encore plus. Il n'y a celuy qui par rodomôtade ne monte ſur ſes ergots? & n'y a celuy qui de rage ne môſtre furieufement les dents à qui-conque pour ſa Maieſté en faiët inſtance. Plus faux, plus cauts, & plus peruers encor que les Financiers & Publicains Iuiſs, dont l'vn des principaux nommé Zachee, touché de repentance, diſoit au Fils de Dieu, *Seigneur, ſi i'ay trom-*
pé & circonuenu quelqu'vn en aucune choſe, i'en rends le quadruple.

Auſſi l'Auguſte Henry, re-
cognoiſſant quels maux apportoiët
les dānables abus de telles gens,
(ainſi les abhorroit le Roy Fran-
çois premier) & quels inconue-
niens arriuoient de tollerer leurs
reprouees maluerſations; les

*Peculatai-
res François
deuroiët au
moins imi-
ter les Pu-
blicains
Iuiſs.*

*Ediët de
Chasteau-
Briâr 1531,
Paul Ioue
es Eloges,
liu. 3. Gui-
chardin li.
6.*

*Arioste,
Chant. 14.
L'auteur
du discours
intitulé Sa-
lutaire ad-
uis au Roy
pour bien
regner,
Suet. in
Vespa-
zian.*

larcins des Financiers ayans des-
raciné les Fleurs de Lys de Na-
ples, Milan, Artois, &c. & diffamé
la France par la perte de la batail-
le de Paue, la prison dudit Roy,
& autres accidents sinistres; s'e-
stoit bien résolu de leur faire re-
gorger ce que leur soif haletante
a humé, & de refrener leur effre-
nee rapine, suiuant les traces de
ses predecesseurs; & imitant les
faicts des meilleurs Empereurs,
dont l'un disoit ses Financiers
ressembler vne Esponge, laquelle
s'enfle dedans l'eau, & en prend
grande quantité, mais apres en
l'estreignant elle laisse tout, &
deuiet seiche.

*Felicité &
fruit qui
proviendra
du Pressoir
des Espon-
ges du Roy.*

Or, SIRE, comme le Roy vo-
stre Pere s'est conformé en cecy
à ceux qui l'ont precedé, & en a
acquis vne glorieuse loüange:
aussy

Tourner à feuillet

aussi ſi voſtre Maieſté ſuit ſon exemple, elle ſera bien toſt hors de la neceſſité qui l'environne , & verra par ce ſeul œuure ſon Eſtat plus fleuriffant que ſous nul autre regne. C'eſt à dire, que ſ'il luy plaift faire vn Preſſoir pour preſſer fermement ces Eſponges Financières. A ſçauoir, eſtablir vne Chambre compoſee de Iuges au delà de tout ſoupçon. Je bailleray Memoires pour leur faire rendre **DIX MILIONS DE LIVRES** d'vne ſi grande quantité qu'ils ont attirée deuât que depuis leur Abolition de l'an 1607. dont eſt parlé en ceſte Hiſtoire ; ſ'entend de Simple, outre les condamnations à cauſe des peines du Double & Quadruple. Plusieurs autres perſonnages en fourniront bien encor pour trois fois autant.

Et par les indubitables aduis que ie donneray, elle mettra en reserve tous les ans DEUX MILLIONS D'OR de son reuenu.

*Grande
perte &
beaucoup
de despenſe
pour vn pe-
tit gain.*

Quoy? comment ſans coups fe-
rir, dira-t'on, Voſtre Maieſté peut
elle gagner Dix millions de liures
& eſpargner tous les ans Deux
millions d'or? Ouy, Sire, il eſt tref-
aiſé. La Duché de Milan, qui ne
vaut pas la cinquieſme partie de
cela, a couſté la vie à deux cés mil-
hommes, & ſi la iouyſſance en eſt
en autre main que de la voſtre, à
qui de droict elle appartient. Pour
conquerir à preſent vne telle pie-
ce faudroit plus de cent mil hom-
mes, & encor auroit-on bien de
la peine à l'auoir, & quand elle ſe
pourroit obtenir, ce ſeroit vn
million d'or de reuenu acquis, qui
outre l'eſfuſion de tant de ſang,

auroit cousté Quarante ou Cin-
quante Miliós d'or pour les frais
de la guerre.

Hé! SIRE, vne vingtaine d'hom-
me, choisis en vos Cours souue-
raines, à qui vostre Majesté com-
mande d'examiner la vie des Fi-
nanciers: (car autrement lesdits
Financiers n'ont point de Iuges,
il n'y a nulle Iurisdiction en Frâ-
ce où on puisse agir contre eux,
i'en ay fait l'espreuue, estans ores
trop puissans ; trop alliez, leur
brigue trop forte, & ayâs la bour-
ce trop plaine, trop de monde à
leur deuotion, & trop de gés qui
conniuent avec eux,) vne vingtai-
ne d'homme, dis-ie, & cinq ou six
mil escus au pl⁹ pour les frais ne-
cessaire, vous feront vne conqu-
este, non de Dix millions de liures
seulement, mais de plus de Tren-

*Voyez tout
chant ces
article, les
Offres ou
Propositios
faites par
Bourgoing.*

*Petite per-
ne & peu
de despense*

*pour faire
vn grand
gun.*

te millions, pourueu que vostre Maieité ne gratifie personne de leurs confiscations. Et de là prouuendra vn mesnage annuel de Six millions de liures, qui est la valeur d'un nouveau Royaume.

Voila le vray Perou, SIRE, plus abondant, de bien plus de rapport, & d'accez trop plus aisé que celuy où l'on va à si grand' peine outre les Mers. Voila la vraye pierre philosophale où il faudroit trauailler, non s'amuser (comme on a fait) à la folie du Baron de la Croix, souffleur d'Alchymie, à qui (quelle vergongne!) on a baillé Dix mil escus pour la chercher, & on ne fourniroit pas vn fol (qu'elle pitié!) pour ayder aux frais de ceste grande affaire à laquelle ie trauaille depuis douze ans.

Et quant à ce que j'ay dit, Sire, *Financiers
n'ont point
de Iuges.*
que les financiers n'ont point de
Iuges, & qu'il n'y a nulle Iurisdic-
tion où on les puisse deferer &
agir cōtre eux. Voicy comment,
C'est que vos Cours de Parlemēt
ne cognoissent point du fait de
finance, & si l'occasion naist de
ce, il leur faut appeller les Cham-
bres des Comptes pour en deci-
der. Vos Chambres des Com-
ptes cognoissent bien du fait de
finance, mais elles n'ont point de
Iurisdiction contentieuse, & leur
conuient aussi en semblables cas,
appeller les Parlemens pour en
pouuoir Iuger. Vos Cours des
Aydes ont Iurisdiction conten-
tieuse, & cognoissent du fait de
finance suiuant l'attribution qui
leur en est faicte par vos Edicts:
mais lors que j'ay Denoncé les-

dits Financiers, & les ay pourfui-
uis en vostre Cour des Aydes à
Paris, Ils ont fuscité la Chambre
des Comptes qui s'y est formelle-
ment opposee, & n'a voulu ex-
hiber à ladite Cour des Aydes les
Acquiets ny les Comptes des
Comptables accusez, pour la ve-
rification de leurs Peculats.

*Financiers
n'ayant
point de lu-
ges, volent
& pillent
à leur aise.*

Quand donc il se trouuerra que
quelque Financier aura mal-ver-
sé, il faut à ce compte que le De-
nonciateur assemble en corps
toutes les Cours souueraines,
pour faire faire le procez audit
Financier. Quelle logueur! Quel-
le langueur! Quelle peine! Quelle
despense! autant luy vaudroit-il
entreprendre de ioindre les deux
Poles. Ne se faut donc esbahir si
lesdits Financiers voyant tant
d'impossibilitez aux denontia-

teurs, & ayant tant de moyens d'impunité pour eux, commettent ſi hardiment tant de fauſſetez, de larcins & de brigangages.

Icy, SIRE, l'oy les adherans, les factieux & cabaliſtes des Financiers, vous dire qu'il eſt vray qu'il ſe fait bien des larcins en vos Finances, & que les financiers ſont d'inſignes fauſſetez & commettent de grandes mal-verſations, mais que la preuue en eſt tres-difficile & la conuiction impoſſible, ſi habiles ils ſont en leur meſtier, ſi bon ordre ils ont donné à leur fait, & ſe ſont remparez de ſi fortes cazemates, qu'ils ſont à couuert des mouſquetades qu'on leur tire; Partant que telles Recherches ſont de peu de fruit qu'elles troublent le repos des familles, & bleſſent l'honneur de

*Ridicules
raisons que
l'on oppose
à la Recher-
che des Fi-
nanciers.*

personnes qui vous sont *fidelles*
Officiers.

Euidents
& publics
tesmoigna-
ges des lar-
cins & pil-
leries des
Financiers.

Mais, SIRE, toutes les loix
 Ciuiles & Canoniques tiennent
 qu'il ne faut point de preuue en
 chose visible & manifeste. Or
 faudroit-il autre preuue pour les
 conuaincre. Que leurs diuers E-
 tats & Offices? Que la multitude
 de leurs possessions? Que les pro-
 digieuses despences de leurs fils?
 Que les dots Royaux de leurs
 filles? Que l'aduenement de leurs
 Commis aux charges? Que la su-
 berbeté de leurs bastimens? Que
 la somptuosité de leurs meubles?
 Que les bonnes tables qu'ils tien-
 nent? Que les immeuses sommes
 qu'ils ioüent? Que la vie nompa-
 reille qu'ils meinent? Que la quã-
 tité de leur vaisselle d'argét? Que
 le nôbre de leurs pretieuses pier-
 rerics?

reeries? Que les hautes alliances qu'ils prennent? Que les magnifiques atours de leurs femmes? Que les grosses rentes qu'ils constituent? Que le grâd attirail de leur train? &c. Non, SIRE, Si vostre Maieſté ſuit la forme que vos predeceſſeurs ont tenuë, & que pluſieurs Empereurs, Roys & Princes ont preſcrite pour faire le procez auſdits Financiers, comme ie monſtreray en l'Histoire d'iceux Financiers, au liure intitulé *Anti-Peculat*, & en l'*Approba-tion* ou *Deſſence du Liure de la Chafſe aux Larrons*.

Mais encor pour les preſſer d'a-
 uantage: S'il plaiſoit à voſtre Ma-
 ieſté faire venir deuant-elle l'vn
 deſdits Financiers, & luy deman-
 der quel eſtoit ſon pere? quelle e-
 ſtoit ſa mere? quelle vacation il a

L'ancienne
 forme de
 faire le Pro-
 cez des Fi-
 nanciers.

exercee en sa ieunesse? & commēt il se peut faire, que n'ayant eu qu'un bien petit heritage de feldits pere & mere qui estoiet trespauures, ne tiré du premier office où il est paruenue que tels & tels gages, il soit toutesfois en si peu d'heure monté au comble de richesses? quelle responce pourra-il faire? de quel pretexte se couurira-il? Ou de quelle industrie pourra-il se preualoir pour empescher non que l'on presume seulement, mais que l'on ne croye fermement que ceste sienne fortune est faite de malefice & prouenue du larcin de vos deniers? Veu mesmes que par vos Edicts & Ordonnances tous Jeux, tous Partirs, & toutes sortes de negotiations & marchandises sont estroitement interdites, & bien expres deffendues

à tous ceux de cet ordre.

Et toutesfois on ne les veut *Financiers*
pas prédre par là: Je crie au Loup, *Loups ra-*
côte eux pluſtoſt par leurs faiçts *niffans.*
que par leur peau, & diſ qu'à fau-
te de preuues plus particulieres
de leurs pilleries, & d'arguments
plus demonſtratifs de leurs lar-
cins, ils doiuent eſtre tenus du qua-
libre qu'ils ſe qualifient, & moy
traicté comme Calomniateur.

SIRE, entre les vertus requi- *Vertu plus*
ſes en vn Roy, la plus neceſſaire *requiſe en*
c'eſt IVSTICE : car comme a *un Roy.*
eſcrit l'un des Sainçts Peres, *Les*
grands Royaumes ſans Juſtice, ſont de
grands brigandages. Auquel pro-
pos Ageſilaüs Roy de Sparte e-
ſtant enquis quelle vertu eſtoit la
meilleure, ou Juſtice, ou Vaillan-
ce? reſpondit, *Nous n'auons pas be-*
ſoin de vaillance ſi nous ſommes Ju-

stes. Et le mesme, oyant appeller le Roy de perse, grand Roy: *En quoy*, dit-il, *est-il plus grand que moi, s'il n'est plus Iuste?* Dont est fort célèbre vne bonne femme qui demandant Iustice à l'Empereur Adrian, apres plusieurs remisez, l'arresta vn iour qu'il alloit à la chasse, & eut la hardiesse de luy dire, *Rendez Iustice, ou ne soyez plus Roy.* Ce qui faict que Ciceron, l'eloquence duquel estoit plus foudroyante que les Cefars, & l'esprit plus grand que l'Empire de Rome, a proferé cet excellent Apophtegme, *Iustice est la Royne des Vertus.*

*Le Roy S.
Loys grand
Iusticier, &
inexorable
aux Financiers.*

Aussi le Roy S. Louys vostre autheur, s'est monstré si iuste, mesmes enuers les Infidelles Sarrazins, que leur ayant baillé le sainct Sacrement pour assuran-

ce de s'arçon; comme son Tresorier en la payant les eust trompez de dix mil francs, en estat aduert, il voulut qu'ils leur fussent rendus iusques au dernier denier, & fit punir le Financier. Que diray-ie plus? Ce bon, ce droicturier Roy ayant par importunité accordé vne grace qui n'estoit de Iustice, demeura quelque temps en suspens, n'estimant pas qu'un Roy se peust desdire; mais il chargea subit d'aduis, & reuoqua sa grace en lisant dans ces Heures, *facite iustitiam in omni tempore.*

Or, SIRE, La France qui voit de quelle affection vous embrassez ce Diuin surnom de LOVYS LE IVSTE. La France, s'entend vostre peuple, qui est au bissac, & vos soldats reduits à la faim. La France où rien ne croist que les

La France
aux pieds
du Roy, de-
mande In-
stice des Fi-
nanciers.

Finâciers, & où aucun ne paroist
que ceux qui ont recueilly de
leurs succeſſions. La France où
nul n'abonde que ceux à qui ils
donnent de leurs Piſtoles, & où
nul ne gronde de ceſte poursuite
que ceux qui plument l'Oye avec
eux. La France, diſ-je, la France,
ceſte pauvre femme, en la miſere
qui l'oppreſſe, ſ'eſcrie maintenant
à vous, & veu le calme preſent,
vous demande IVSTICE de
ces fideles Officiers, qui par leurs
artificieux larcins luy ont barba-
rement ſuccé le ſang, dont ils re-
gorgent de toutes parts. IVS-
TICE de ces fideles Officiers,
qui par leurs crimes execrables
luy ont cruellement deuoré les
entrailles, dót ils repaiſſent leurs
voluptez. IVSTICE de ces fide-
les Officiers, qui par leurs perni-

cieuses inuentions iouyssent de
ses sueurs dont ils entretiennent
leurs delices. IVSTICE de ces
fideles Officiers, qui par impuni-
té ont accumulé Mont-joyes sur
Mont-joyes d'or, dont ores ils
despitent toute puissance: & IV-
STICE de ces fideles Officiers,
qui se iettent aujourd'huy en de
grandes alliances, pour opposer
à quiconque proposera la recer-
che de leurs forfaits.

Il y a si long temps que l'on
bruit de leurs Abus: Si long téps
que l'on se plaint de leurs Pecu-
lats: Si long temps que l'on pleu-
re de leurs Deportemens; & que
tout le monde crie, recrie, & re-
quiert: Qu'il faut faire le procez
à ces Larrons, Qu'il faut faire ré-
dre gorge à ces Pillars, Qu'il faut
mettre au Pressoir de Iustice ces

Esponges. Tant attendre, c'est ce qu'ils demandent : car le temps ruine les Preuues : Tant suspendre, c'est leur donner cause gagnée : car leur Cabale se va tousiours accroissant. Et tant consulter, il s'en gaussent : car cependant ils desrobent tousiours tant & plus.

Et par ceste impunité, ains, diray-ie, par ceste licence, ces Pseud'Officiers deuiennent si rogues, si fiers, & si impudens, qu'ils ne se cachent plus ny en leurs menees, monopoles & factions entr'eux, leurs supposts, supports & cabalistes ; Ne pour commettre toutes sortes de Retentions, Diuertissement, Suppositions, Compositions, Desguisement, & mille & mille autres scelerées mal-versations sur vos finances, dignes de plus

plus de Potences qu'il n'ya de bois au monde.

Disoient n'agueres N. Tresorier de l'Espargne , On n'oseroit nous faire rechercher, Je ne crains pas cela. N. Partyfan, Nous sommes appuyez de si fortes Estayes , qu'impossible est de nous esbranster. N. Tresorier de l'ordinaire des guerres, Si on nous fasche nous ferons cognoistre combien il importe à l'Estat de nous mescontenter. N. Tresorier de l'extraordinaire des guerres, Nos deportemens donnent pretexte de nous descrier & crier contre nous. N. Tresorier Prouincial , Messieurs , on faict peur aux Limassons, c'est à fin qu'ils cachent leurs Cornes, N. Tresorier des Lignes, Ouy, mais nous sommes si enflez que nous ne pouvons plus tenir dans nos Coquilles. N. Tresorier de la Maison du Roy. L'im-

Recueil
d'aucuns
propos &
railleries
des Finan-
ciers en
leurs Ban-
quets &
Ballets.

portune poursuite de nos mal-veillans
est à craindre. N. Thresorier del'Es-
cuyrie, Au pis aller, si par vne pres-
sante necessité du Roy on se resout de
nous attaquer, nous sçavons bien le
moyen d'en sortir victorieux sans bles-
seure. N. Tresorier des parties Ca-
suelles, C'est bien dit, l'Escu a plus de
force que Hercules. N. Tresorier de
la Marine, Nous en ferons tousiours
quittes en râclant le Boisseau. Et en
leur Ballet de l'an 1620. ils ont
chanté.

Ballet des
chercheurs
de Midy à
14. heures.

Avec nostre ample Gibeciere
Nous iettons tous de la Poussière,
Aux yeux moins subiects au venin:
Du monde faisons vne buze,
Et surpassons par nostre ruze
Maistre Jacques & Maistre Gonin,
&c.

Quelles Insolences!

SIRE, Il y eut jadis des Pira-

res en Cilicie, qui s'assemblerent
 en grand nombre, & tirerent à
 leur alliance plusieurs personnes
 de qualité, mesmes des villes &
 citez fameuses, sous l'azile & aux
 havres desquels ils se mettoient à
 refuge, en seureté reuenans des
 courses & pour recompense leur
 bailloient profit du recellement
 de leurs pilleries, comme si le me-
 stier en fust deuenu louïable &
 honneste. Ils viuoient aussi en
 des dissolutions estranges, & e-
 stoient tres-superbement accou-
 strez, comme prenās plaisir à fai-
 re monstre de leurs brigandages;
 Dont la Republique estant infi-
 niment endommagée, & encor
 plus des-honorée à les souffrir, el-
 le enuoya contre eux Pompee le
 Grand, & le Consul Metellus, les-
 quels en nettoyerent le pays en

*Histoire
 des Pirates
 de Cilicie
 terminez
 par les Ro-
 mains.*

moins de trois mois; puis apporterent leurs richesses au Tresor public, & à l'instant le peuple fut comblé de toutes sortes de biens.

*Application
de cet exē-
ple au Roy
& aux Pi-
rates de
son Royau-
me.*

Ainsi, SIRE, décernez, s'il vous plaist, vne simple Commission à quelques preud'hommes, (il n'y a pas grand affaire à cela,) pour informer exactement contre les gros Larrons François & leurs Complices, pires & incomparablement plus pernicioeux que les Pirates & Receleurs Ciliciens. Vueillez que Iustice soit seuerement faicte de leurs Faussetez, sans nul excepter. Commandez qu'exacte perquisition se fasse de leurs Peculats, sans nul espargner, & vous serez en bref le plus riche Roy qui viue. Il n'y aura plus de vuide en vos Coffres, Plus de confusion en vos affaires, Plus de mi-

fere parmy vos subiects , & plus de disette en vos soldats. Car est-il pas plus raisonnable de rechercher les crimes de ces Cacus iusques dans leurs Cauernes , à fin d'en tirer vne grãde somme pour employer en vos vrgens affaires, pour descharger vos Finances, Racheter vostre Domaine , degager vos Aydes, & acquitter vos debtes. Que de les requerir tousiours de Prests vsuraires. Créer sans cesse des Offices , Fouler le peuple de subsides , & l'accabler d'Imposts pour vous subuenir.

On blasmeroit, voire on riroit bien de celuy lequel ayãt esté volé, & negligant les aduis, qui luy feroient donner où seroit le vol, iroit prier les voleurs de l'assister en sa misere, ou mandier la bourse de ses amis pour se garentir de

*La dignité
Royale ex-
posée à op-
probre &
contumelie
par l'horri-
ble capaci-
té des Har-
pies finan-
cieres.*

la necessité. C'est comme vous faictes, SIRE, quand on vous met si à l'estroit que l'on vous contraint de tendre la main aux Financiers (riches de vos moyens) & vous obliger à eux pour en auoir quelque maigre assistance, & que l'on vous conseille d'vser de vostre autorité sur vos subiects (pauvres par leurs larcins) pour en receuoir du secours.

SIRE, Vostre peuple se mettroit volontiers sur l'enclume, pour à coups de marteaux & de tenailles arracher l'argent de ses mouelles pour le seruice de vostre Majesté, quand il recognoist qu'il passe par des mains nettes: Mais voyant que les Finances publiques qui ptouiennent du plus pur de sa substance sont consumées en folles despences: Voyant

queles Deniers ſacrez qui ſortēt
de la triſte ſueur de ſon corps
ſont employez à baſtir des Palais:
Voyant quel'on eſleue des mai-
ſons maſſonnees de ſes os: Que
l'on eſtablit des fortunes cimen-
tees de ſon ſang: Que l'on ran-
çonne vos Officiers Commen-
ſaux. Que vos armées ne ſont
point payees. Que vos Soldats
demandent l'aumolne: Voſtre
pauvre Peuple, diſ-ie, oyant, vo-
yant & ſentant tant & tant de de-
fordres: fremit, ſ'eſneut & ſ'eſ-
clatte en murmures.

SIRE, J'ay memoire que vo-
ſtre Maieſté eſtant Dauphin, ſe
promenant dans les jardins de
Saint Germain, ſ'arreſta pour
veoir vn ver qui ſortoit de terre,
& comme ſes Gardes le voulu-
rent eſcraſer, elle ſ'eſcria. *Laiſſez,*

laissez, ne luy faies point de mal.
Dont ceux qui estoient à vostre
suite remarquerent en vous par
cet acte, vn naturel enclin à pitié
& commiseration. Et depuis que
vostre Majesté porte la Couron-
ne, elle faict, dit-on, de secretes
aumosnes à des pauvres; que les
Courtisans appellent, *Les Pension-
naires du Roy.*

Helas! SIRE, Ores que vous
estes Roy aurez vous moins de
pitié qu'estant Dauphin? Et ores
que vous estes homme, moins de
commiseration qu'en vostre en-
fance? Ains, la pitié sera-elle pas
accreuë en vous comme la puis-
sance, & la commiseration aug-
mentee comme les ans? Tant de
millions de vos Subiects plus che-
tifs que les vers de terre; Tant de
milliers de vos Soldats plus misé-
rables

rables que les Caymans; Subiects
que les Treſoriers ont ſi attérez
qu'ils broutent l'herbe; Soldats
que les Finâciers ont faits ſi pau-
ures, qu'ils ne ſçauent plus que
c'eſt de pain: Bref, Subiects & Sol-
dats que la fallace de ces Fauſſai-
res a rendus plus deſnuez qu'au-
cune Guerre, Peſte & Famine:
n'eſmouueront-ils point voſtre
ame? ne vous perceront-ils point
le cœur? Les plainctes que les E-
ſtats Generaux en ont faictes l'an
1614. Les Remonſtrances que le
Parlement vous en a preſentees
l'an 1615. & les ſouſpirs que tant
de particuliers ont exhalez, tout
cela n'eſt-il point paruenü à vos
oreilles?

Si eſt, SIRE, Car voſtre Maje-
ſté eſtant vn iour eſleuee en ſon
Troſne eſtouré des Princes de

son sang, des Officiers de la Cour-
rône, des Ducs, Pairs & Seigneurs
de vostre Conseil, Prononça de
sa bouche deuant lesdits Estats
pour ce mandez, & deuant toute
la Cour, ces paroles. I E V E V X
ET COMMANDE QUE
LA CHAMBRE DE IV-
STICE SOIT ESTABLIE
POVR FAIRE LA RE-
CHERCHE DES FINAN-
CIERS.

O paroles, non point paroles,
mais Oracles celestes suggerez
par l'Eternel qui tient le cœur du
Roy en sa main! Et toutesfois rié
n'en a esté fait: Les Financiers
ont eu la force d'y resister. Leurs
supposts le pouuoir d'en empes-
cher l'effect; & leurs supports l'in-
dustrie d'en destourner l'execu-
tion. Quel mespris de vos volon-

tez? Quelle deſobeyſſance à vos commandemens? Quelle preuarication en vos affaires? Quelle trahiſon à voſtre ſeruice?

Or, SIRE, à preſent que vous eſtes ſi court de Finâces, vos Cof-
frés eſpuifez, vos Aydes engagez, voſtre Domaine vendu, & reuendu ſi haut prix, voſtre Maieſté deſpoüillée de ſes propres moyens; & neantmoins obligé à tant & tant de diuerſes deſpenſes: N'eſt-il pas plus iuſte de faucher ce Pré ſi fertile? N'eſt-il pas plus iuſte de moisſonner ce Champ ſi plantureux? N'eſt-il pas plus iuſte de Peſcher dans ce Lac ſi abondant? Mais n'eſt-il pas plus juſte, (à fin que ie m'explique,) que de deux ou trois cens Financiers & fauteurs de Financiers, choiſis de ces Eſcadres quel'on voit brauer,

*La cōpreſ-
ſion des Fi-
nanciers,
vniue An-
tidote de
leurs lar-
cins.*

morguer, piaffer, & qui sont si plains d'or qu'ils en creuent, dōt ie bailleray les Noms & publieray l'Inuentaie des biens, vous tiriez des vns Cent mil escus, des autres Deux cens mil, des autres Trois cens mil, sans retour, pour vne si extreme necessité?

Ouy, SIRE, plustost que par leurs pernicieuses inuentions oster le miel, tirer la laine & arracher les lasnieres au pauvre peuple qui n'en peut plus, qui est acrauanté sous le faix de tant de charges, & si souffreteux que sa misere pourroit biē faire fendre les pierres & la seule inspection de sa calamité, esmouuoir à compassion les Barbares. Car quel monde réuersé est-ce cy, que ceux qui portent toutes les charges n'ayent RIEN, & que ceux ne

payent rien qui ont tout, prennent tout, & mangent TOVT: ô Dieu, iuſques à quand durera ce deſordre? ô Roy, quand ceſſera ceſte iniquité?

Mais au fort, que ſera-ce à ces bons Officiers? Officiers, non ieux faux, ains furies infernalles venues pour flageller la Frâce,) leur Marmite n'é ſera pas deſgraiſſee, moins leurs bons morceaux re-tranchez, c'eſt preſques rien au prix de ce qu'ils Theſauriſent. Et puis, ſi on conſidere les beaux & grands reuenus qu'ils ont acquis, les belles & grandes Seigneuries qu'ils poſſèdent, les magnifiques logis où ils habitent, les ſuperbes Palais qu'ils edifient, les Gages & Taxations qu'ils prennent, les grandes ſommes qu'ils deſrobét,

*Cent, Deux
cens, &
Trois cens
mil eſcus
d'aucuns
Financiers,
n'eſt que
l'eſcume de
leur Pot.*

& les grosses griuilees qu'ils pratiquent : on trouuera que leur Bourse n'ẽ sera gueres desenflee, ne leur ioye amoindrie. Voire dea, ils en donnent bien autant en mariage à vne seule de leurs filles. Ils en fournissent bien plus en l'achapt d'un Office, Ils n'en mettent gueres moins à constitution de rente, Ils en joient biẽ d'auantage aux dez & à la prime, Ils en despensent & gourmandẽt bien autant en Bals, Ballets, Banquets, Habits, Bastiments, Emmeublemens & autres incroyables excez.

Conclusion A vous donc, SIRE, estoit re-
du Pressoir seruee la Palme de ceste victoire.
Espon-
es du Roy. Pour vous estoit destinee ceste belle fleur. Et de vous on languit en attente apres ce joyeux jour

auquel vostre Majesté ayant des-
ployé son estendart de Justice
pour aller à la Chasse de ces Lar-
rons & les debeller; verra infinis
fidelles seruiteurs qui avec de
beaux memoires en main, ac-
courront pour la servir en vne
occasion si importante. Et com-
me le Roy Henry le Grand a
imité le preux Empereur Vespas-
sian à espreindre & presser sou-
uent ces sacrileges Esponges:
aussi si vostre Majesté paracheue
l'œuvre qu'il auoit commencé,
(ne reste plus que ce seul acte
pour couronner les merueilles
de vostre regne,) elle fera à meil-
leur tiltre que Titus fils dudit
Empereur, nommée *l'Amour &
les Delices du genre humain*, & aura
merité ce tres-glorieux, ce triom-


Le Pressoir
phant, & tres-Auguste nom de
LOVYS LE IVSTE.

D. V. M.

*Le tres-humble, tres-obeyssant,
& tres-fidel subiect, & ser-
uiteur,*

I. BOVRGOIN.

ADVER-



ADVERTISEMENT.

D'Autant que en l'Histoire de la Chambre de Iustice, dont ie parle en cet Escrit, il y a plusieurs Memoires particuliers des faicts, & des affaires des Financiers, ie ne suis pas conseillè de la faire voir maintenant, & faut que ie differe encor la publication d'icelle iusques à ce qu'il ait pleu au Roy ordonner la Recherche desdits Financiers, & estably pour cet effect LA CHAMBRE DV PECVLAT. Y ayât beaucoup de secrets en ladite Histoire qu'il n'est pas temps de diuulguer, & qu'il seroit mesmes preiudiciable au seruice de sa Majesté de mettre à ceste heure en e-

uidence, lefdits Financiers n'estas
 que trop aspres de sçauoir en
 quoy on les accuse, & trop desi-
 reux à descouurir dequoy on les
 denonce. Dés aussi tost donc que
 ladite Majesté aura commis des
 Iuges pour trauailler à cest affai-
 re, ie publieray ladite Histoire
 qui contient trois grands volu-
 mes. Quant à present, apres les
 Offres & Propositions que ie
 fais à sa M. sur ce subiect, ie mets
 en auant le *Pressoir des Esponges du*
Roy, que i'ay par expres ainsi inti-
 tulé, sans changer la forme d'E-
 pistre preliminaire; affin qu'elle soit
 en la mesme disposition lors que
 ie mettray ladite Histoire au
 jour. Et en suite dudit *Pressoir*,
 ie feray voir ce qui s'ensuit.

I

*LE FOYET DES FINANCIERS,
ou, Poursuites de Bourgoïn au Con-
seil, en la Cour de Parlement, & en
la Cour des Aydes, sur les Persecu-
tions, Violences, Attentats, & voyes
de faict, contre luy perpeetrées par les
Financiers; à cause du Liure de la
Chasse aux Larrons.*

II.

*DEFENCE, ou, Approba-
tion du Liure de la Chasse aux Lar-
rons.*

III.

*LA CHASSE AUX LAR-
RONS, ou, Aduant-Coureur de
l'Histoire de la Chambre de Iustice,*

reueu & augmenté.

IIII.

*ANTI-PECVLAT, ou, Recueil
des Recherches faictes contre les Fi-
nanciers depuis le temps du Roy Char-
les VI. iusques à la dernière Cham-
bre de Iustice. Avec les noms, le nom-
bre, & les charges de ceux qui ont e-
sté executez à mort.*

V.

*LE ROY DES ROBE' ou, Ra-
bais, Desdommagemens Diminutions,
Descharges, Iouissances & Attri-
butions obtenues par plusieurs Par-
risans & Fermiers, sans cause, par
fraude, surprise & faux donné à en-
tendre.*

V I.

L'Extraction, Genealogie, Progrez & Aduancemens des Financiers.

V I I.

Et l'Inuentaire des biens acquis par lesdits Financiers depuis qu'ils sont paruenus es charges.

Bien fasché de ne pouuoir encor, par maniere de dire, qu'aboyer contr'eux sans les mordre, & non plustost venir des paroles aux actions. Mais resolu de n'en dire point que le commandement de sa Majesté n'ayt esté executé, & sa volonté accomplie pour l'establissement

54
de ladite Chambre du Peculat.

.I.V.
BOVRGOIN.

*Presenté au Roy, & mis és mains
de sa Maiesté par ledit Bourgoin, a-
uec plusieurs Memoires, Estats, Ex-
traicts de Comptes, Denontiations,
& autres pieces iustificatives des Lar-
cins & Maluersations des Finan-
ciers, le seiziesme iour de Mars 1623.*

